

ایران و اسرائیل جنگ و پشاور

لبنان کی کمیٹی بی ایس او آزاد

زوتال اسرائیل و نیگم و ماں عراق و ایرانی کونسلٹ و سر و ارش و
دوازده و گیسن ایرانی پوجی مردم و کشک، و بند پتر و تہ و اولی رند و ایران و نیگم و
چہ اسرائیل و سر و ارش و پدیکرندے پداجہان و سیاست و تہ و اے گپ و جُست
و سر چست کنگ کہ ایران و اسرائیل و میان و اسل جنگ چہ و سر و انت؟
اسرائیل و جنگ مدام عرب ماکاں گوں بوتگ و آگین فلسطینی گہگیری و پرورش
دیگ و گر و چیل بوتگ و ہاسکر انوں کہ غزہ و آئی و حماس و ہلاپ و جنگ و جار
پرینت و ہزارانی ہساب و فلسطینی مرگ و آماج کت و انت۔ مروچی دنیا و آئی و
ہلاپ و مہکمیں بیانیہ جوڑ بوتگ کہ آپرچہ ایران و واستہ مدام سر درد و انت و
ایران و ہلاپ و ملٹری ایکشن و ڈیس مز نہیں پیسلہ زورگ و انت و ایران کہ آ
دنیا و تہ و شیعہی ملکہ زانگ بیت، دومی ماں دنیا و شیعہ تاگت و یکجاہ کنگ و وتی اثر و
رسوخ و دارگ و جہد و انت بلے سوال و اش کہ آ (ایران) پرچہ فلسطین و سنی

مسلمانانی ہاتر پریشان انت ء پرچا اسرائیل ء گوں مدام دپ جنگی کنگ ء انت؟
 پدانوں زوتاں ملٹری جنگ ء نیمگ ء اسرائیل ء گوں دیم پہ دیم انت۔ اے
 تران ء باوست ء سرپد بوگ ء الی انت کہ مادیئا ء پاورپالیٹکس ء بہ زان ایں کہ
 چون جنزیت۔ اے گپ ہم زانگی انت کہ راجی جنز ء ایدگہ کسان مزینیں
 جنزانی سو بمدی ء بے سو بی ء چونیں کردے پیلو کنت؟

میاں استمانی سیاست ء مدل ایسٹ ء سیاست ء گوں نزیکیں مردم
 مدام رساندر ء اے گپ ء الم هُش کننت کہ اسرائیل ء ایران جنگ ء
 جدلے ء آماج آنت، اسرائیلی مزین وزیر ء بگرداں سیاسی سائنسدان ء درامدام
 اے چیز ء پریشان آنت کہ ایران ء جوہری سلاہ دست ء مینت بزانتکہ اٹانک
 بمب ء وڑیں سلاہ جوڑ کنگ ء سو بمدی بیت ء ایران ء جوہری سلاہ ء جوڑ کنگ ء
 چه دارگ ء ہاتر ء بازیں اُرش کنگ۔ اے ارشانی تہ ء اسرائیلی چیریں ادارہ
 موساد ء نیمگ ء چه ایران ء سائنٹسٹانی کنگ بہ بیت یا سرجمی ء جوہری
 پروگرام ء سر ء ارش بہ بنت یا امریکہ ء توک ء ایران ء جوہری پروگرام ء ہوالہ ء
 لاپینگ کنگ بہ بیت، اسرائیل ہر سورت ء ایران ء دارگ لوٹیت کہ آئی ء

مستریں مسال 2010ء ایران ء Uranium Enrichment

Facilities آنی سرء ارش بہ بنت یا 2010ء داں 2012ء ایرانی نیو کلیئر

سائنٹسٹانی Assassinations بہ بنت کہ آہانی تہء مسعود علی محمدی، ماجد

شاہریاری، فریدون عباسی، مصطفی احمدی روشن ء ایدگہ ہوار آنت۔ اے ہمے

سائنٹسٹ آنت کہ 2010ء داں 2012ء ایران ء توک ء جنگ بوتگ آنت۔

ہالانکہ اسرائیل ء اشانی کنگ ء جار نہ جنگ بلے دنیا اے گپ ء زانت کہ اے

ٹارگٹ اسرائیلی انٹیلجنس ء نیمگ ء چہ ایران ء را جوہری تاگتور بوگ ء چہ

دارگ ء ہاتر ء کنگ بوتگ آنت۔ چوشکہ ایران چوشیں ملکہ نہ انت کہ آئی ء گوں

اسرائیل وڑیں ریاستے تچک ء جنگ ء نیمگ ء شت بہ کنت گڑا ہمیشکہ موساد ء

نیمگ ء چہ ایران ء جوہری تاگتور بوگ ء چہ دارگ ء ہاتر ء مدام انچیں آپریشن

کنگ بوتگ آنت۔ ایران ء چہ ڈن عراق ء توک ء کہ ایران ء مزینیں اثر ء

رسونے ہست ء مزینیں لیول ء ارش ہم کنگ بوتگ آنت کہ آہانی مکسد

ایران ء ریجنل ڈومینسی ء دارگ بوتگ۔

ہمے وٹا گندیں کہ ایران ۽ نیمگ ۽ چہ مدام اسرائیل ۽ ہلاپ ۽ جہاد،
 جنگ ۽ سیاسی ہوالہ ۽ جتائیں درشان گندگ ۽ کاینٹ ۽ ایران مدام وتی دژ منانی
 تہ ۽ اسرائیل ۽ مستریں دژ من لیک ایت بلے اے دژ منی ۽ در اھیں سبب
 فلسطین نہ انت۔ دومی سیاست ۽ تہ ۽ اسرائیل ۽ دارگ ایران ۽ واستہ تہنا فلسطینی
 جیٹہ ۽ کمک کنگ یا سو بین کنگ نہ انت بلکین ایران ۽ واستہ اسرائیل ۽ دارگ
 آئی ۽ مستریں سیاسی مکداں گوں ہوار انت۔ چونائی ۽ چونیں ہم دژ منے بہ بیت
 آدم اے جہد کنت کہ وتی دژ من ۽ زور تریں پوائنٹاں در بہ گج ایت ۽ ہمود ۽
 آئی ۽ تاوان دیگ ۽ جہد بہ کنت چوشکہ اسرائیل ایران ۽ ہلاپ ۽ آئی ۽ مذہبی
 حکومت، جمہوریت ۽ نہ بوگ، جتائیں ہند ۽ دمگاں سلاہ بندیں گلاں کمک
 کنگ ۽ انت ۽ ایران ۽ ہلاپ ۽ مہکمیں بیانیہ جوڑ کنگ ۽ جہد ۽ انت۔ ہمے وٹ
 ایران ۽ نیمگ ۽ چہ اسرائیل ۽ زوری بز انکہ فلسطینی جہد ۽ چہ پاندگ چست
 کنگ ۽ اسرائیل ۽ زور کنگ ۽ جہد ۽ انت۔ اسرائیل ۽ ایران ۽ نیمگ ۽ چہ اے
 سیاسی، ڈیپلومیٹک ۽ ملٹری جنگ ہرچ وھد ۽ بر جم انت ۽ ایران کیسنت وتی اثر ۽
 رسوخ ۽ توک ۽ دانتشکین گلانی نیمگ ۽ چہ مدام اسرائیلی نپاں تاوان دیگ ۽ جہد ۽

انت ء اسرائيل چه امریکہ ء ویسٹ ء مکم ء مدت ء چه ایران ء سرء مہمکیں
 معاشی بندش جنگ ء سو بین بوتگ یا بازیں وهداں چیریں ملٹری ایکشن ء
 سورت ء ایران ء نپاں تاوان دیگ ء انت۔ اے سر کل تنی وهدی برجم انت
 کہ دومی نیمگ ء مارا انوں زوتاں گندگ کیت کہ ایران ء اسرائيل تچک ء
 جنگ ء نیمگ ء رونت ء عراق ء توک ء ایرانی پوجی مردمانی جنگ ء پد ایران
 اسرائيل ء هلاپ ء کساس 300 ء چه برز ڈرون، میزائل ء ایدگہ مزنیں
 سلاہاں گوں ارش کنت۔ اے انچیں تاگت وریں ارش بنت کہ اگاں
 اسرائيل ء امریکہ ء نیمگ ء چه Iron Doom ء مکم ء مدت مہ بوتیں گڑا
 بوت کنت اسرائيل ء دراہیں ملٹری پوزیشن تباہ اتاں۔ اے ارشانی دارگ ء
 ایوک ء اسرائيل ء را 1.1 Billion ڈالر ء نکسان بوتگ۔ اسرائيل ء اے
 گپ ء سماکپت کہ اے وهداں کہ آغزہ ء جنگ ء دیمپان ات گڑا ایران ء وڑیں
 تاگتے ء گوں جنگ کنگ نادانی یے۔ پمیشکہ ایران ء ارش ء پد Face saving
 ء واستہ ایران ء جوہری سلاہاں ابید کسانیں دو سے ڈرون بال دنت کہ ایشاں
 ایران جنت ء پد امریکہ ء وسیلہ ء اے گپ ء دنیا ء دیم ء کاریت کہ اسرائيل ء

ایران ء توک ء ارش کنگ بلے اسرائیل ء کر ء ایرانی ارش ء ہلاپ ء ہچ ر نگیں
 جواب نہ بیت۔ اسرائیل ء نیمگ ء چہ ہچ ر نگیں مزنیں ملٹری ایکشن پیش نہ
 دارگ ء پد ایران ء اسرائیل ء میان ء سر جمیں ملٹری جنگ ء گنجائش ہلاپ بنت
 بلے یکے دومی ء ہوالہ ء آہانی پوزیشن انگت یک انت ء سیاسی ء جہلی جہت ء
 ایران ء اسرائیل یکے دومی ء ہلاپ ء منظم ء ایکٹیو آنت۔ انچوشکہ ہوشیانی
 نیمگ ء چہ ریڈسی ء توک ء اسرائیل ء امریکی معاشی مفاداں تاوان دیگ بیت
 کہ ہوشیانی دراہیں ملٹری کمک ء مدت چہ ایران ء نیمگ ء گندگ ء کیت۔ ہھے
 وڈ لبنان ء حزب اللہ ء نیمگ ء اسرائیل ء سر ء ارش بہ بنت یا حماس ء واستہ
 ایران ء سیاسی ء ملٹری کمک بہ بیت یا اسرائیل ء نیمگ ء چہ ویسٹ ء توک ء
 ایران ء ہلاپ ء گیشال گیسن لاپنگ ء ایران ء عراق ء توک ء Secret
 operations بہ بنت آبرجم آنت ء بوت کل ت کہ دیمتر ء اے گیسن بنت ء
 پاور پالیٹکس انوں کمیں بیلنس گندگ پیدا ک انت کہ ایران ء روس ء چین ء
 ہوارڈل ایسٹ ء وتی چند ء شاہگانیں تاگتے ہست ء اسرائیل ء امریکہ ء
 ویسٹ ء کمک گون انت۔ کجام ہم وھد ء اسرائیل ء ایران ء میان ء پاور ء بیلنس

ہراب بیت یا یکے دومی ۽ نیمگ ۽ شت انت گڑاے جنگ مستریں شکلے بز انکہ
فریکل دروشم ۽ شت کنت کہ انوگیں ارشال چہ مارا آئی ۽ یک دروشمے گندگ
بوت۔

ایران ۽ اسرائیل ۽ اسل جنگ پی انت؟

اسل جنگ کہ ایران ۽ اسرائیل ۽ میان ۽ هست انت آیوک ۽
فلسطینی جہد نہ انت ۽ ناں ایوک ۽ اشی ۽ سیادی گوں ایران ۽ نیو کلیٹر پاور ۽ گوں
بندوک انت۔ بلکین اسل جنگ ہما سیاسی مکسد انت کہ اسرائیل ۽ مکسدانی
گرگ ۽ ایران اژاند پیداک کنگ ۽ انت ۽ ایران ۽ مکسدانی گرگ ۽ پشت ۽
اسرائیل اژاند پیداک کنگ ۽ انت۔ اے دوئیں ریاستاں اے گپ ۽ ہیال
شری ۽ گور انت کہ اگاں مڈل ایسٹ ۽ مز نیں سوچ ۽ دنیا ۽ توک ۽ وتی مکسد گرگی
انت گڑاے تاگتانی توک ۽ یکے دومی ۽ شکست دیگی انت۔ مڈل ایسٹ ۽
اسرائیل ۽ ہلاپ ۽ ایران ۽ چہ ابید چچو شیں تاگت پیش نہ کپتنگ کہ اسرائیلی

پوچھو انٹرنیشنل جنسز تانگت پاور ڈاٹ کام بہ کنت اسرائیل اے دگ مزنیں
 تانگتے بوگ بہ داریت۔ ہمے وڈاگاں ایران گپ بہ بیت گڑاڈل ایسٹ
 اسرائیل ابیدہ ایران دیم ہج رنکیں تانگت نیست کہ ایران جنگی تانگت
 دیم اڈانڈ بوت بہ کنت۔ اسرائیل چوشکہ وتی ہستمان جنگ کنگ اے ات
 بزاں دنیا ہاسکر ڈل ایسٹ وتی وجود منارینگ جنگ کنگ اے انت چوشکہ
 گوتنیں ہتتاد سال انت کہ ڈل ایسٹ عرب ملک ایشیاء نام نہادیں
 مسلمان ماکاں اسرائیل وجود منگ تیار نہ بوتگ انت بلے شش روچی
 جنگ (Six Day War) رند ہاسکر عرب ماکاں اسرائیلی تانگت دیم
 سرینڈرے درچے بندات بوت اسرائیل منگ ہیال دراہیں عرب ماکانی
 توک اے اتک۔ ہمے رنگ عرب ماکاں گوں وتی وجود ہاترے کینٹنیں جنگ پد
 عرب ملک ڈل ایسٹ ماکاں اے گپ سما بوت کہ اسرائیل یک راستی یے
 ہمکس راستی یے ہمیشہ اسرائیل منگی انت دنیا دیم فلسطین کیس ہوالہ
 دوریاستی توجیلے یو این ایمگ چہ دانگیں منگ نامگے دیم ایر بوت سرجمیں
 ڈل ایسٹ ملک اسرائیل یک ریاستے بستارے منگ ایمگ اے شت انت۔ ہمے

چیز یا سرِ عرفانِ سماکتِ اسرائیلِ گوں سہلِ تزانے (مذاکراتے)۔
 نیگمِ شتِ دُوریاستی توجیل کہ آئی تہہ فلسطینِ گیشیں زمین اسرائیلِ
 ہوالہ کنگ بوٹگ ات ہم منگِ تیار بوت پرچا کہ اسرائیل وتی توکِ انچو
 تاگتورات داں عرب ملکِ مڈل ایسٹِ دراہیں تاگتاں آئی دیمِ سرینڈر
 کتِ فلسطینی لیڈر شپِ مڈل ایسٹِ ہاسکر ساوتھ یونینِ پُرتنگِ پداے
 امیت یلدا ت کہ نوں مڈل ایسٹِ چوشیں تاگتے اتک کت کت کہ آ
 اسرائیلِ تاگتِ بیہار بہ دنتِ اسرائیلِ ہلاپِ فلسطینی کاہ کمک بہ کت
 یا چوشیں تاگت ہست کہ اسرائیلِ وجودِ انکاری بہ کتِ فلسطینی جنگولاں
 مہمکیں رنگِ سلاہِ توپک بہ دنت۔ ساوتھ یونینِ پُرتنگِ پداے فلسطینِ
 نیشنلسٹِ سوشلسٹ دلپروش بوت انتِ ہاسکر پی ایل اوِ وتی امیت دور
 دات۔ بلے 1979ء ایرانی ریولوشنِ آگِ پدا ایرانِ گوں وتی وجودِ
 آگِ دنیاِ ہاسکر ایرانِ مڈل ایسٹِ امریکہِ ایجنسی چیلنج کنگ بندات
 کت۔ اے درگتِ امریکہِ عراقِ راسرجمِ کمک کتِ صدام حسینِ
 ایرانِ سرِ ارش کتِ 10 سالِ داں عراقِ وتی دراہیں زور جت انت۔ دہ

سال ء ایران عراق جنگ ء پد عراق تباہ بوت، عراق کہ زمانگے مڈل ایسٹ ء
 مستریں تاگت ء چہ یکے زانگ بوتگ بلے ده سال ء ایران ء گوں جنگ کنگ کہ
 آئی ء مک ء سرجم ء امریکہ ء ایدگہ ویسٹ ء تاگت کن آنت۔ ایرانی ریولوشن ء
 پد ایران ء ہاسکر مڈل ایسٹ ء اثنانی نپ ء سیتاں مزینیں تاوانے رسیت ء
 امریکہ وتی ہلاپ ء اے رنگیں مہکمیں تاگتے ء منگ ء تیارنہ بیت گڑا امریکہ ء
 نیمگ ء چہ عراق سرجم ء مک کنگ بیت کہ آ ایران ء نوکیں اتلگیں ہکومت ء
 شکست بہ دنت، بلے ده سال ء جنگ ء وت وهدے کہ عراق پوجی ء معاشی
 دوینیں ہوالہ ء زور تریت ء ایران ء گوں سہل ء تران کنت ء ایران گوں وتی
 وجود ء آلیگ ء امریکہ، ویسٹ ء نام نہادیں ڈیموکریٹ پالیسی ء لبرل آرڈر ء
 ہلاپ ء تاگتے ء سورت ء دیم ء کیت۔ ایران ناں ایوک ء امریکہ، بلکیں برطانیہ
 ء ایدگہ یورپی تاگتانی ہلاپ ء ہم دیم ء کیت۔ زمانگے ء پد مڈل ایسٹ ء چوشیں
 تاگتے ء دیم ء کیت کہ آ امریکہ ء ویسٹ ء ایجنسی ء گامیل کنگ بندات کنت ء
 اسرائیل ء ہلاپ ء گینن پمیشکہ دیم ء کیت پرچا کہ اسرائیل مڈل ایسٹ بزنانکہ
 عرب ملاں نندوک بیت ء ویسٹ ء لابیگ ریاستے ء سورت ء ادے نندیت۔

ایران ءِ واسطہ اسرائیل چہ بنیات ءِ قبول نہ بیت ءِ وھدے کہ ایران کہ دیم ءِ
 آیان کنت ءِ ہاسکر 2000 ءِ دھک ءِ وھدے کہ یکبرے پدا فسطین ءِ حماس
 مہکم بوان بیت ءِ اسرائیل ءِ ہلاپ ءِ یک نوکیں ءِ مہکمیں گہگیری تاگتے جوڑ
 بوان بیت گڑ اسرائیل ءِ ہم اے گپ ءِ سہاکپیت کہ ایران ءِ مھکمی آئی ءِ وجود ءِ
 واسطہ ترس ءِ بیھارے۔ وھدے کہ ایران مڈل ایسٹ ءِ دراہیں ملکانی تہ ءِ وتی
 سان ءِ گیسن کنان کنت گڑ اھرچ گو سنگیں ماہ ءِ سالان اسرائیلی اسٹیبلشمنٹ ءِ
 اے گپ ءِ سہاگیسن بوان بیت بزائکہ بیرگ ءِ ایران ءِ حمایتی ٹولی اسرائیل ءِ
 سیمسراں کابینت ءِ اسرائیل ءِ سرءِ اُرش کنگ بندات کن آنت۔ انچوشکہ
 اسرائیلی وجود ءِ رکیٹنگ ءِ امریکہ ءِ برطانیہ ءِ کردھست، ہمے رنگ ءِ فسطین ءِ
 اسرائیل ءِ ہلاپ ءِ مڈل ایسٹ ءِ نوکیں گہگیری ءِ دروشے ہم ایران ءِ مک ءِ
 گندگ بیت۔ آدگہ عرب مکاں گوں جنگ کنگ ءِ ایران ءِ گوں جنگ ءِ کتہ
 کاری ءِ پدا اسرائیل ءِ اے گپ ءِ سہاکپیت کہ ایران آعرب مکاں چہ مستریں ءِ
 مہکم ترین جنگی تاگتے ءِ ایران ءِ پراکسیانی شنگ ءِ تالان کنگ ءِ چہ اے گپ ناں
 ایوک ءِ امریکہ ءِ اسرائیل ءِ واسطہ ترس ءِ بیھارے بلکیں دنیا ءِ اے گپ ءِ سہا

کپیٹ کہ ایران ۽ مکسد ایوک ۽ ایران ۽ جنده ۽ تاگتور کنگ نہ انت بلکیں ایران
 دراهیں مڈل ایسٹ ۽ فتح کنگ لوٹیت بز انکہ ہمے رنگ ۽ وتی اثر ۽ رسوخ ۽ توک ۽
 دارگ لوٹیت۔ ہمے وڈ امریکہ ۽ یورپین ماکاں وتی اثر ۽ رسوخ ۽ توک ۽ داشتگ۔
 اگاں ایران ۽ ماں مڈل ایسٹ ۽ انجیں تاگتے رست کہ اد ۽ سیاست ۽ ملٹری
 پوزیشن وتی دست ۽ کت انت گڑاناں تہنا اسرائیل ۽ واستہ یک مز نیں تر سے ۽
 سورت ۽ دیم ۽ کیت انت بلکیں امریکہ کہ مز نیں مدتے بیت ۽ ہاسکر عراق ۽
 شام ۽ تباہی ۽ پد کہ مڈل ایسٹ ۽ ہمے تیل ۽ پاندگ ۽ چست کنگ ۽ انت ۽ اے
 ریجن ۽ وتی مہکمیں گر ۽ دارے داشتگ ۽ کیشیں ملک وت ۽ گوں چہر کنگ
 انت اگاں ایران دیمتر ۽ تاگت ۽ شاہیم (پاور آف بیلنس) ۽ برابر بہ کنت گڑا
 آئی ۽ اولی جہد ہمے بیت کہ مڈل ایسٹ ۽ چہ امریکہ ۽ در بہ کنت ۽ امریکہ ۽ دومی
 نیمگ ۽ ویسٹ ۽ اسرائیل ۽ راکمک ۽ مدت ۽ آئی ۽ وجود ۽ ر کینگ ۽ بنکی نپ ۽
 سینتاں چہ یکے ہمیش انت کہ اسرائیل مڈل ایسٹ ۽ امریکہ ۽ ایدگہ ویسٹرن
 ماکانی نپ سینتاں بہ پہریزیت۔ اگاں باند اروچ تاگت ۽ شاہیم مٹ ات انت ۽
 اسرائیل اے لائک نہ بوت کہ امریکہ ۽ ایدگہ ویسٹرن ماکانی نپ سینتاں سرجم

کت بہ کنت گڑا اے راستیں گمان ہمیشہ انت کہ اے تاگت اسرائیل ء واستہ
 وقی ہستیں مکہ ء بندہ بہ کن انت دانکہ اے ریجن ء دومی تاگتاں گوں انچیں
 اتحادے ء الانسے ء نیمگ ء بہ روانت کہ امریکہ ء پانڈگ بہ رسیت۔ اسرائیل
 ء ایران ء جنگ ایوک ء وقی ملاں گوں بندوک نہ انت بلکیں اے جنگ، اشیء
 شکست ء سو بمندی ء سیادی گوں سرجمیں ہند ء دنیا ء سیاست ء گوں بندوک
 انت۔ اے تاگت ء شاہیم ء چونیں ہم مٹی ء بدلی یے دنیا ء سیاسی آرڈر ء سرء
 وقی اثر ء رسوخ ء دور دات کنت انت۔ عراق، شام، لیبان ء ایدگہ ملائی اے
 جاوے سر بوگ ء پد بازیں ریاست ء ملکہ چہ ویسٹ ء نام نہادیں جمہوری ء سیاسی
 پکر ء ہلاپ انت۔ اے گپ ء گوں جوانی ء سماکن انت کہ ویسٹرن ڈیموکریسی ء
 بنکی لوٹ ء مکسد امریکی ء ویسٹرن نپ ء سیتانی سرجم کنگ انت۔ اے درگت ء
 آہانی ملک تباہ بہ بنت امریکہ ء ایدگہ ریاستاں ہیج رنگیں شدے پر نہ بیت،
 پمیشکہ ماں مڈل ایسٹ ء اسرائیل ء ابید ویسٹ ء مہکمیں اتحادی نیست بلے دومی
 نیمگ ء ایران ء مہکمیں اتحادی ٹولی ء ریاست ہست انت۔

ایران جوہری طاقت اسرائیل ء چونیں تاوان دات کنت ؟

انچوشکہ ایران گونگیں مزنیں مدتے بیت هاس ایرانی آشوب ء رند
ایرانی قیادت ء نیمگ ء چہ جوہری طاقت جوڑکنگ ء پہ مدام جہد بوگ ء انت ء
ایران وتی ملٹری ء سرء مزنیں کسائے ء کارکنگ ء انت۔ جوہری سلاہاں ابید
انوک ء داں دنیا ء جتائیں ہنداں ایران جتائیں سلاہندیں گلاں کمک کنگ ء
انت دانکہ آتاگت ء وتی دست ء کت بہ کنت۔ اے ٹولیاں تہ ء لہنتیں انچیں
ٹولی ہست کہ آایران ء گوں سیاسی ہمسنت (اتحاد) انت چوشکہ حماس ء وڑیں
تاگت انت کہ آہانی کمک ء حمایت پر کسی نہ انت بلکیں سیاسی انت ء هاس
سیاسی مسدانی ہاتر ء یکے دومی ء گوں سیادی دارگ ء انت پرچا کہ ایران ء بیدء
مڈل ایسٹ ء ہج چوشیں عرب ریاست ء گوں سیاسی سیادی نیست کہ آحماس
وڑیں ٹولیاں اسرائیل ء ہلاپ ء جنگ کنگ ء واستہ اے لیول ء سلاہ بہ دنت،
بلے ایران اے بودشت ء پکر ء داریت کہ آ اسرائیل ء نزور کنگ ء واستہ
حماس ء کمک کنگ چنچو اذدری انت، پمیشکہ ادء چہ آوانی میان ء یک سیاسی
سیادی یے جوڑ بوتگ، ہمے سیاسی سیادی مارا امریکہ ء گوں دنیا ء سک باز ملک ء

ٹولیاں گندگ ء کیت انت چوشکہ داعش ء شکست دیگ ء امریکہ ء نیمگ ء چہ پی
 کے کے ء گوں اتحاد ء درور مئے دیم ء انت، روس ء ککاس جنگجوبانی مکک کنگ یا
 چین ء ہلاپ ء تائیوان ء ہانگ گانگ ء جنگلوانی مکک کنگ۔ دومی روس ء ہلاپ ء
 جنگ کنگ ء واستہ یوکرین ء مکک کنگ۔ ء ایران ء ہلاپ ء کار کنوکیں جنگول ء
 سیاسی مردمانی سیاسی ء سفارتی مکک ء مدت کنگ ء درور ہست آنت۔ ایران ء
 نیمگ ء چہ ہم اسرائیل ء امریکہ ء نزور کنگ ء واستہ جتائیں ٹولیاں مکک کنگ ء
 ہاسیں مکسدو بینانی میان ء سیاسی آنت۔ ہمے وڑ امریکہ ء اے گپ ء سماہست
 کہ چین ہر وڑ کہ تاگتور بیت گڑ ادنیاء امریکی آرڈر ہمینکس زوت پروش ء
 نیمگ ء روت ء امریکی ڈونینسی ہمینکس زوت ہلاس بیت۔ ہمے وڑ مڈل
 ایسٹ ء ایران ء اثر ء رسوخ چینکس کہ گیشن بنت ء ہاسکر اگاں ایران جوہری
 سلاہانی گرگ ء سوہمند بہ بیت بزائکہ پاور پولیٹکس ء توک ء وتی زمین ء سرء
 ناقابل جنگ ء جاور پیدا کہ بہ کنت گڑ اے اسرائیل ء وجود ء واستہ ہمینکس
 تر سے بیت ہمینکس نیو ء یوکرین ء توک ء آیک ء وتی پونج ء ایر کنگ پہ روس ء
 تر سے بیت۔ ایران کہ آسر جمیں مڈل ایسٹ ء ایشیاء توک ء وتی مہمکیں تاگتے

جوڑ کنگ لوٹیت آئی ء دیم ء اسرائیل اڑاندے ء دروشم ء ہست انت گڑا باند ا
 اگاں ایران وتی ہستیں پوزیشن ء گیشن تاگتور بہ کنت انچو کہ انوں جوہری
 سلاہاں ابید ایران، امریکہ ء ایدگہ ویسٹرن تاگتاں گوں جنگ زورگ ء تیار
 انت گڑا باند ایران اسرائیل ء ہلاپ ء کارکنوکیں ہرچ ٹولیاں گیشاں گیشن
 کمک ء مدت دات کت کت ء اگاں نیوکلئیر تاگت ء جوڑ کنگ ء پد آ اسرائیل ء
 واستہ گیشاں گیشن ترس ء بیم پیدا کت کت کنت۔ اگاں ایران جوہری سلاہ جوڑ
 کنگ ء کامیاب بوت گڑا فلسطینی ء اسرائیل ء ہلاپ ء کارکنوکیں ء سوچ
 داروکیں مکاں گیشن دلہڈی رسیت۔ دومی صورت ء اے دگ ء ایران ء
 تاگت پرورش دیگ ء ہد ء سیمسراں چہ گوزیت۔ انوں ایران ء گور ء جوہری
 سلاہ نیست انت بلے یمن، لبنان، فلسطین، شام، عراق ء جتائیں ملک ء جتائیں
 جنگی ٹولیاں ایران وتی سیاسی مکسدانی ہاتر ء کمک ء مدت کنگ ء انت باند اگاں
 ایران ء گور ء جوہری سلاہ بیآآت آگیشن جنگی تاگتاں وتی کت کنت۔ نہ تہنا
 ایران بلکیں سعودی عرب ہم جوہری سلاہ سازی ء نیمگ ء روت، پرچا کہ
 تاگت ء شاہیم ء ہر سورت ء برابر بوگی انت اگاں ایران ء جوہری سلاہ جوڑ

کت گڑا آئی ء جاہ ء سعودی ہم الم ء جوہری سلاہ جوڑ کنگ ء جہد ء کنت ء ہمے وڑ
اسرائیل ہم جوہری سلاہ جوڑ کنگ ء نیمگ ء روت ء دنیا ء توک ء جوہری جنگ ء
یک نوکیں عملے بنات بوت کنت کہ اے ہستیں آرڈر ء واستہ تاوانباریں
پد کرے بوت کنت۔ ہمیشکہ اسرائیل، امریکہ ء دراہیں یورپی ملک اے جہد
کنگ ء آنت کہ ایران جوہری سلاہ سازی مہ کنت ء دنیا یک دگہ نوکیں جہانی
جنگ ء مہ روت۔

اسرائیل پر چا ایران ء ہلاپ ء زہر شائگ ء انت؟

اسرائیل ء واستہ ایران ء ترس باز ہنداں ہست ء اسرائیل چہ وتی
کنگنیں کاراں کجانہ کجا اے چیزانی درشان ء ہم کنت۔ 1979ء ایرانی آشوب ء
پیش اسرائیل ء ایران سیکورٹی تھریٹ ڈیل نہ کنگ ء آئی ء گیسٹن فاکس عرب
ریاست بوتگ انت ء ایران ء توک ء رضا شاہ پہلوی ء سورت ء امریکہ ء دوہنگیں
ہکو متے بوتگ بلے ایرانی ریولیشن اے دگ ء شاہگانیں مٹی ء بدلی کاریت ء

اے مٹو بدلیاں چہ یکے اسرائیل ء ایران ء سیادی آنت۔ ایرانی ریولوشن ء پد
 ایران دنیا ء ہاسکر مڈل ایلٹ ء وت ء را مسلمان ملکانی چیمپین زاہر کنت ء
 امریکہ ء ویسٹ ء ہلاپیں تاگتے ء سورت ء دیم ء کیت۔ انوگیں و ہداں اسلامک
 آرڈر ء توک ء فلسطین ء جیڑہ اسلامی رد ء مستزیں جیڑہ انت کہ آئی ء سر ء
 اسرائیل ء قبضہ کنگ۔ اے درگت ء ایران فلسطین ء جیڑہ ء وتی بنجائی سطح ء
 زوریت ء اسرائیل ء ہلاپ ء اسلامک جہاد ء حماس ء فلسطین کا زء را سیاسی،
 معاشی، جنگی ء سفارتی ء اخلاقی کمک کنگ بندات کنت۔ اسرائیل ایران ء
 ہلاپ ء اے واستہ ترندانت کہ اگاں ایران مہکم بوت یا اے دگ ء وتی اولڈ ء
 دارگ ء کامیاب بوت گڑا اے سرجمیں گنجائش ہست کہ ایران اسرائیل ء نہ
 تہنا سیکورٹی بلکیں آئی ء ہستمان ء سر ء ہم مز نہیں تر سے بوت کنت، پرچا کہ
 ایران سرکاری جہت ء اسرائیل ء یک درکانودی ریاستے سر پد بیت ء کجام ہم
 و ہد ء آئی ء گور ء تاگت ء شاہیم گیشن بوت ء اسرائیل نزوریں پوزیشن ء شت
 گڑا ایران آئی ء ہلاپ ء گیشن مھکمیں رنگ ء کارکت کنت۔ اے درگت ء
 اسرائیل ایران ء ہلاپ ء مدام زہر شانگ ء انت ء ہاسکر ایران ء جوہری

سلاہانی ہوالہء اسرائیل سک باز پریشان انت۔ اسرائیلء ایجنسی ایرانء
 نیوکلیر پروگرامء بندوکیں ہرج سائنٹسٹ کہ ہست انت گڑ آیاں مدام
 جتائیں آپریشناں ٹارگٹ کنگء انتء ایرانء ہلاپء سکین ترندیں روشے
 دارگء انت۔ ہاسکر اسرائیلء جہد انت کہ ایران چہ وتی ہندء ڈن چر نگیں
 اثرء رسوخے مہ داریت۔ انوکیں روچء کہ ماں عراقء ایرانی کانسلٹء سرء
 اُرش ہم اسرائیلء ہمے کوشستانی بہر انت کہ ایرانء اثرء رسوخ، آئیء
 واکداریء کما کمتر بہ کنت۔ چوشکہ اگاں ایران، شامء عراقء توکء وتی
 پوزیشنء گین مہکم بہ کنت گڑ امریکہء ہاسکر اسرائیلء جندء واستہ سکین
 مزین ترسء بیہارے۔ ایوکء اسرائیل ناں بلکیں امریکہء ہم جہد انت کہ
 ایرانی ریولوشنری گارڈ عراقء توکء گیشاں گین تاگتور مہ بیت پرچاکہ اگاں
 ایران عراقء شامء توکء شرتیں پوزیشنء سر بوت گڑ ادء پدا امریکہء
 واستہ نندگء باندا چوین ہم جنگء سورتء ایرانء عراقء شامء تہء
 موجودگی ویسٹء اسرائیل دوینانی واستہ سکین مزین ترسےء چہ کم نہ انت
 گڑ ایرانء ملٹریء سیاسیء ہاسکر معاشی ہوالہء نزور کنگء واستہ ویسٹء

ھاس امریکہ سکین مزنیں جھد کنگ ء انت۔ اے درگت ء ماگندیں کہ
 2015ء امریکہ ء نیمگ ء چہ جوہری سلاھانی سرء ایران ء گوں منگ ناگے کنگ
 بیت ء ایران ء ھلاپ ء مزنیں کسائے ء بندش جنگ بنت بلے ڈونلڈ ٹرمپ ء
 آیک ء گوں اے منگ ناگ پدا ھلاس کنگ بیت ء ایران ء سرء ھمے بھتام
 جنگ بیت کہ منگ ناگ ء رند ھم ایران چہ جوہری سلاھانی جوڑ کنگ ء وتی
 کوشت ء چہ ڈن در نہ یتنگ ء یورینیم ء پیداوار گین کنگ، چوناہی ء اے
 در ھیں کارانی بنکی مکد ایران ء تاگت ء رانزور کنگ انت۔ اے درگت ء
 ایران ء تیل درآمد ء دومی معاشی سیکٹر ء ھم مزنیں کسائے ء بندش جنگ بوتگ
 آنت۔ ھمے رنگ ء امریکہ ء سعودی ء خلیج ء توک ء ھستیں ریاستانی الائنس ء
 وسیلہ ء ھم ایران مدام دارگ ء جھد کنگ۔ گپانی بنکی مکد اش انت کہ اے
 وھداں اسرائیل ء آئی ء ھواریں اتحادی اے گپ ء سرء تپاک دار آنت کہ
 ایران مزنیں تاگت ء بوگ ء چہ ھر سورت ء دارگی انت۔ امریکہ ھمینکس
 سیاسی ء معاشی بنیات ء ایران ء دارگ ء جھد کنگ ء انت گڑا اسرائیل ملٹری
 شکل ء ایران ء ھلاپ ء کار کنگ ء اے ھا سکر شام ء عراق ء توک ء اسرائیل ء

بازیں چیریں کاروائی کنگ کہ اودۓ بنگلی مکسد ایرانء تاوانبار کنگ بوتگ۔
 عراقء توکء ایرانء هلاپء امریکہء هاسکر انوں زوتاں اسرائیلء جنگی
 کاروائیانی بنگلی مکسد همیش آنتء اسرائیل دیمترء ایرانء هلاپء گیشتر ترندیں
 گایگجء نیمگء روت چوشکہ انوں حماسء نیمگء چہ اسرائیلء سرء ترندیں
 ارشء اسرائیلء رادیمترء واستہ گیشتر پریشان کنگء آئیء اے گپء سما
 هست کہ اگاں ایران دارگ نہ بوتء حماسء ایدگہ گل چشکہ اسلامک جهادء
 حزب اللہ وٹیں سلاہندیں گل کہ هست آنت گڑا آ اسرائیلء هلاپء
 مستریں کارے کت کن آنت۔

آسر:

ایرانء اسرائیلء میانء اے جنگ هما وهداں داں همے وڑ برجم
 بیت کہ دوئیں تاگتانی میانء بیلنس آف پاور مہ پرورش ایت، اسرائیلء جهد
 همیش انت کہ امریکہء ویسٹء مدتء چہ ایرانء ریاستء نزور بکن آنتء

امریکہ ء جہد ہمیشہ انت کہ ایران ء توک ء کوینی رجم کہ انوں ایران ء توک ء
 ہستیں شیعہانی رجم انت اشیء بدل بہ کنت ء آئی ء جاہء یک Pro-
 western, pro-democratic حکومتے ء دیم ء آرگ ء سوہمند بہ بیت
 دانکہ ایران ء دگ ء تاگت ء مکر بکن ات یا آیانی جہد ہمیشہ انت کہ
 ایران ء شیعہ رجم ء مدل ایسٹ ء بے واک ء بے اثر بکن انت، چٹشکہ انوں
 مہکمیں پوزیشن ء انت۔ ایران ء نزور کنگ ء ویسٹ ء نیمگ ء چہ مز نہیں پیسلہ
 زورگ بوتگ کہ آہانی تہء ایران ء را Diplomatically isolate کنگ
 بہ بیت یا آئی ء سر ء سیاسی ء پوجی بندش جنگ بوتگ انت کہ آئی ء اکانومی
 دیروئی مہ کنت یا آئی ء زر ء کیمت دور دیگ بہ بیت بلے ایران ء نیمگ ء چہ
 اے دراہیں جنجالاں پد ہم وقتی اکانومی مہکم داشتگ کہ آئی ء توک ء چین،
 ایران ء روس ء مز نہیں کردارے ہست انت۔ ایران ء مسترے تیل زوروک
 چین انت کہ آئی ء آبادی دراہیں ویسٹ ء برابر انت ء آئی ء تیل ء زوروت
 دنیا ء توک ء دراہیں ریاست ء چہ گیشن انت۔ ہمے وڑ دومی نیمگ ء ہندوستان
 انت کہ آئی ء آبادی دنیا ء مسترے آبادی انت ء آئی ء تیل ء لوٹ چین ء برابر

انت ء اے ملاں گوں شریں سیادی ء جوڑ بوگ ء سبب ء ایران وقی اکانومی مہکم
 دانتنگ۔ اے ملاں شریں وڑے ء وقی رسورسز ء Export کنگ ء انت ء وقی
 زلورت ء سامان ء ایشاں چه گرگ ء انت چُشکہ اے انچیں ریاست انت کہ
 ایشاں امریکہ بھہارات نہ کنت۔ دومی نیمگ ء اسرائیل ء بیلنس آف پاور ء را
 ایران ء برابر کنگ ء واستہ ویسٹ ء ہاسکر امریکہ ء نیمگ ء چه اسرائیل ء را
 مہکمیں معاشی، ملٹری ء سیاسی ء ڈیپلومیٹک کمک کنگ بوگ ء انت۔ اسرائیل ء
 ملٹری ء را مہکم کنگ ء واستہ امریکہ ء نیمگ ء سالے کروڈانی کروڈ ہرچ کنگ
 بیت۔ انوں گوسٹگیں ماہ ء امریکہ ء کانگریس ء نیمگ ء چه اسرائیل ء ملٹری
 ڈیفنس ء ہاتر ء 26 بلین ڈالر دیگ بوتگ۔ ملٹری ء مہکم بوگ ء واستہ بتکی شرت
 شریں اکانومی ء زلورت انت کہ مروچی امریکہ ء نیمگ ء چه اسرائیل ء را
 سرجمیں کمک دیگ بوگ ء انت۔ Iron doom ء سورت ء مہکمیں ملٹری
 ازباب کہ اگاں اسرائیل ء دیگ مہ بوتیں اے وهداں حماس، حزب اللہ ء
 ایران ء میزائل ء راکٹ حملہ ء اے وهداں داں اسرائیل ء گیشتریں شہر ء
 بازار تباہ کنگ ات انت بلے امریکہ ء کمک ء چه اے وهداں داں اسرائیل ء

مڈل ایسٹ ۽ ایران ۽ مقابلہ ۽ وقتی بیلنس برابر کنگ ۽ دوئیں ریاستانی کوشت
 ہمیشہ انت کہ یکے دومی ۽ Back door strategies ۽ چہ نزور بکن
 انت۔ بلے تناوہدے ۽ داں گلوبل پالیٹکس ۽ ٹوک ۽ بیلنس آف پاور امریکہ،
 چین ۽ روس ۽ نیگ ۽ داں برابر انت۔ دومی ہمے وڈ لیگ بیت کہ ایشانی میان ۽
 ہم تاگت ۽ شاہیم برابر بیت کہ یکے را امریکہ ۽ یکے را چین ۽ سیاسی ۽
 ڈیپلومیٹک کمک گون انت ۽ تناوہدے ۽ داں پاور پالیٹکس ۽ ٹوک ۽ مز نیں
 تاگتانی پاور آف بیلنس نہ پر شیت ۽ آبرابر اوشت ایت۔ گمان ہمیشہ ایت
 کہ ایشانی میان ۽ ہم اے پاور ہمے وڈ برابر اوشتیت ۽ یکے دومی ۽ نزور کنگ ۽
 ہاتر ۽ انجیں کوشت ۽ چست ۽ ایر بر جاہ بنت کہ انچوانوں بر جاہ انت۔

ہلاس